

同里志卷之十三

人物志四

仁壽

仁者宜壽五福之首於世未易數數見也里中有之允宜昭茲來許志仁壽

李真子昱

任伯通子德

章化光

顧而謀

顧士律

顧鼎隆

周顯

陸雲慶

周祚新

孫承恩

朱夢鰲

朱夢鯉

陸琇

張國治子拱端孫長歷

顧世梓

嚴仁

顧慶文

同里志

卷十三

仁壽

一

任夢乾子德森

顧鼎勳

王景益

嚴孚敬

吳之彝

吳之胄

龐宇侗

周爰謀

王之相

王之梓

浦友慶

王尚文子樹圻

徐煥

葉永億孫懷坤

顧受介

范景烈子時勉

范景燾

沈煥新子培源

王銓子宏業曾培

袁學洙

姚世法曾孫擢

顧我柏曾祖世美祖佑禔本生父

啟漆嗣父啓泚

凌學灝

顧傳師

陳天掞

任球孫謨

任琳子祖望

朱光震

任思敬子鳳綸

顧懷慈

元

李真字允真年三十喪妻未葬偶他出家失火焚其棺
真歸號痛收骸骨葬之而虛其左以自待終老不再
娶子昱字景昭當明初嘗輸粟百斛賑飢有司詳
旌以冠帶辭不受人稱其世義云真儻有為襟懷
洒落性亢直篤於行義見貧困可矜則惠粟以周之
雖豪貴有過亦正言以折之心地坦夷是非無所隱
嗣續繁昌享上壽以終景昭弱冠掌糧儲裨贊邑政
事無妄爲言必當理鄉民皆信服之

見獻集

明

任伯通字公啓明初自宜興來吳江卜築龐山湖濱居

同里志

卷十二

仁壽

二

焉性好道學參究道德參同微旨恬澹無爲不慕聲
利翊靈道院歲久傾圯伯通獨鼎新之又建道經堂
所儲不下道藏之半焉又於院東栽桑種竹結廬其
中朱仲南題曰棲逸草堂吳驥嘗有贈詩以太學諸
生邑舉德行給冠帶授承事郎壽九十卒子德邑諸
生工詩與顧寬兄弟善有詩載感梅集

見莫志

章化光字陽峰以諸生入監博學高才剛毅有守嘗有
某廣文奉聘入簾以柬招化光欲爲之援引化光謝
曰以鑽營取科第何以對妻孥卒却之陳侍御王道
幼聰穎化光識爲大器憐其貧延之家塾三年王道
得成名然性極高亢不與人接人多不滿者

本續先哲志下

二傳
同

顧而謀字振魯曾唯第五子仁厚謙謹敦行孝弟以羅星洲砥柱諸水下流繫一鎮文運攸關湮沒歲久倡議築基建關聖祠捐多金爲衆先天啓辛酉長子祖奎舉於鄉官二千石爲明忠臣同川自此文風丕振科第繼起

顧士律字太和邑諸生生平謹飭與人交煦煦然無忤色嘗有周氏將營葬父母其墳塋在士律居第之南形家言有妨左右隣里將譁禁之以謀於士律子孟明孟明以告於士律士律曰不可葬親孝也何可阻脫有妨命也於是周得畢葬云

同里志

卷十二

仁壽

三

顧鼎隆字爾調邑諸生固窮之節范丹董京堪鼎立也
冱寒積雪卧無衾席以稻草兩束藉地夫婦和衣而眠明日天雨炊無薪以所藉供竈至夜端坐達旦貧困如此親友周之亦不輕受終身不識縣門

周顯字文明太醫院使繆孫幼爲隣翁鄒昇後能父昇母昇妻有幹蠱功昇老始有子爲撫之成立盡舉其業歸之無所取焉又爲償其逋人以爲難嘗假人錢百緡不能償者輒焚其券其躬自厚而薄責人又如

此本陳理
撰墓誌

陸雲慶字善卿又字景卿諸生府寧次子邑諸生性好學博覽籍嘗選唐詩類編又輯四部類彙六十四

卷十年而成中年篤信禪悅究心大乘注金剛經文約義明能補宗泐所未逮歲荒佐其父賑飢施粥嘗脫妻簪珥以易米與兄雲祥友愛析居後非風雨必候起居年六十六無疾而逝子璿字殷六邑諸生著有關中集琇字淇侯竝好學潔行爲里人推重

本續先哲

志

大清

周祚新字永之家世業儒明理敦倫孝友之稱重於鄉黨積學嗜古經史而外凡星十堪輿之術靡不究心塵談亶亶聽者忘倦平生信義待人無纖芥之僞還遺金濟貧乏罔不稱爲仁人長者啓迪後進立條約

同里志

卷十二

仁壽

四

以表率之子弟多所成立順治中累舉鄉飲大賔子爰訪成進士初不以子貴而易操一時德行莫之或先也年八十三而卒

見邑志

孫承恩字環川弱冠葬祖孝養父母撫育幼弟皆爲人所難能嘗捐金修慧日禪院及洞真觀又觀前爲之築石岸砌石街植榆柳順治七年縣舉耆碩按院給年高德邵額卒年七十七子鄂字來彥孫澄深皆虔

修蓮社克承前業

本願汝敬志稟

朱夢鰲字元正

章志作禎

祥五世孫邑諸生事親孝遇族黨

有恩年九十五步履安祥而神明不衰明宏光元年

邑令葉給文耆額 國朝順治八年邑令周舉鄉飲

大賔給八朝人瑞額眞年高德邵而爲行地仙者也

本續先哲
志下同

朱夢鯉字化正

章志
作禎

教授四十餘年諄諄以孝弟忠信

爲訓初大父得奇疾伏枕三載夢鯉佐其父養疴床

蓐雖風雨之夕必歸侍焉遇親友緩急竭力拯之拾人

遺金還之好元學於靈寶叅同諸書皆能究其奧年

八十四浴水而逝人以爲水仙云吳門蔣鉞題曰沛

國惇史

陸琇字淇侯年十二鼎革時營兵擄至鎮後訪知得歸

及長輩聲藝林戚屬金世漢囑學使某欲援之琇托

病不與試世漢益重琇延爲塾師後因其子任澤州

同里志

卷十二

仁壽

五

世漢以印篆托琇一僕賂求用印堅卻之居家和順

以承親撫孤姪某至成立博學善吟詩著有客窓吟

綠窓吟釣灘集又有松陵八景詩善畫者因詩補圖

裝成巨冊遠近名流跋和者不下數百家從孫廷聘

什襲藏之足徵前輩風徽

本吳洙增
輯先哲志

張國治字安宇性好施捨飯僧二萬餘名遠近橋梁寺

觀往往捐貲以助工康熙丁未邑令舉鄉飲賔年九

十四無疾而逝子拱端字君舒孫長厯長元相繼爲

善里中稱其世德

本續先哲
志下同

顧世梓字玉林

顧譜
維馨作

事親能孝嘗爲叔元節構室同

居備極周恤弟益堅早亡撫其子女成立外舅無子

迎養二十年歿爲營葬竝爲置後嘗曰施而自德不如勿施德而責報與無德同年六十八卒父祖義字元方矻矻燈窓艱於一衿壽同賈至士林共惜之嚴仁字子春明自嘉靖以前役務煩重吳江尤甚仁承役不避知縣喻某禮重之每遇歉歲出粟貸鄉農弗計償否晚年居陳湖濱文徵明陳淳輩咸樂與之游其歿也徐師曾爲之銘

見任兆麟吳江續志稟

顧慶文字孟卿爲人忠信篤敬自紳士大夫以至里中父老皆敬服之歲收租入遇不能償者輒銷其籍佃農皆感頌之生平行事度幾在邦無怨在家無怨云

本續先哲志

同里志

卷十三

仁壽

六

任夢乾字易始諸生大任子國學生生而淳篤年十五卽手書晦翁存忠孝心行仁義事八字揭之座右曰如此可以成人侍父三十餘年晨夕不離父歿置祭田以供祀事生平布衣疏食能甘淡泊所著有孝經釋義一卷杜律含英二卷子德森字啓元國學生與里中王前朱虎林吳濂輩飲酒論文日相過從先卒

顧本

棟高撰傳

顧鼎勳字蓋臣謹愿老成勇於事功里中小川橋捐貲易石行人賴之又精瘍醫濟人康熙中舉鄉飲賔里中皆敬服之

見顧譜傳

王景益字受茲爲人胸中無瑕類遇事每視人猶一體

干而輒應以館穀資生不忍負人一錢遇歲飢嘗以糠粃自飽偶有斗粟見餓者輒給之無吝色病革撫其子孫笑語自若怡然而逝

本吳洙增輯先哲志下四傳同

嚴孚敬字來彝府庠生揚先子也揚先博學工文屢躋場屋金文通之俊乃其姑丈也欲援引而辭之其安於義命如此孚敬恬退似父一室中書史自娛淳心質行並有古風又勇於爲善康熙九年大水殷家橋鄉人貸米二百餘斛籽粒不責其償人感其義呼爲嚴佛子著有易經解

吳之彝字繡石性孝友從外舅任大任學書館之暇祖孫父子兄弟融融一堂日以爲常父館於外則奉母

同里志

卷十二

仁壽

七

惟謹兄喪偶遺一女撫之如己女幼善屬文賦詩淡於功名不慕榮利能以禮義自守親戚有困乏周之惟恐不逮訓子姪以禮義爲兢兢晚以詩文自娛著有素菴集吳氏家訓卒年七十五

吳之胄字介臣之彝弟孝親敬兄硯田所得脯修悉以奉父母人或貸之一無所吝恒不責其償晚年常談笑於僧房寂靜之所曰非佞佛也爲遠俗耳卒年八十有八

龐宇侗字德初

吳志作孺初

鑑六世孫幼英敏力學有聲士

林鼎革時痛父柩被盜所焚備言父生前之苦輒涕泣不止性醇厚康熙丙寅邑令郭舉鄉飲賔以齒崇

德懋四字旌其門卒年八十

周爰謀字孔嘉爰訪仲弟至性過人年屆耄期積累館穀鄉人有乞假必應夜半有人叩扉詭言舟次大廟口爲夜客所窘須二千錢以解如數與之其好施若此居市廛數十年恂恂有儒者風鄉里推其行誼康

熙中累舉鄉飲介廩年九十一而卒

本周晉撰行畧

王之相字沂鍾邑庠生生長富厚蔬布終身爲人寬厚尚義比隣周爰訪爲祠部時貨以貲倍償之弗受強之乃受其半鄉黨多以此德之居家出入處必書先儒格言自警卽以誨子弟墾龐梟少孤遭家多故之相收恤俾立室家恩意至厚鰥居三十年圖書自娛

同里志

卷十二

仁壽

八

怡然忘老卒年七十二子謂爲名諸生孫文沂時彥

相繼登賢書皆其餘慶也

本龐民與撰傳

王之梓字子遜景益子居鄉以耕讀傳家宅心仁厚與人交不以貧賤富貴有二致教子弟惟以孝弟勤儉因果報應諄諄不倦子大業字錫成新穎字大成後先遊庠一庭之內和氣藹如之梓優游晚景年九十

而卒

本吳洙增輯先哲志

浦友慶字紹德爲人謹慤不要虛譽爲里巾式乾隆

元年邑令

舉鄉飲廩

本采錄先哲志

王尚文字周燦號綱齋吳邑庠生孝友尚義父歿家產悉與兄弟共延名師教兩弟俱登賢書撫孤姪至成

立通族祭產設法釀金生息增擴前業其他初建義塾社倉每率先爲之倡著有家規要旨子樹圻字東郊國學生亦孝友尚義乾隆八年捐九里湖蕩田十一頃有奇於育嬰堂邑令張曰謨詳題議叙州同知

本吳大受撰傳

徐煥字天章太學生由周莊遷居鎮之秬槌圩圩有大木橋行人艱於步履乾隆十一年煥捐千餘金易石獨建名泰來橋行人來往賴之

本周翥撰傳畧

葉永億字友良樂善好施里中有不足者輒爲賙濟乾隆乙亥歲飢邑令張勸捐永億出粟以濟鄉里貧乏後太守薩以尚義可風額獎之孫懷坤字萬程少孤

同里志

卷十二

仁壽

九

旋又遭祖歿承先志而自立亦能恤宗族惠桑梓人咸欽慕其行云

顧受介字景王仁厚謙謹敦行孝弟待親故曲有恩意宗黨有事一持公正斷之乾隆中邑令某舉鄉飲賔

本采錄先哲志下二傳同

范景烈字備武號承哉徵仕郎候選州司馬贈儒林郎少孤稟母訓捨棺給衣周卹貧困圩有太平橋將圯出貲重建乾隆二十四年邑令王用鑑舉鄉飲介賔長子時勉字寶傳號懷溪儒林郎候選布政司理問克承先志嘉惠宗黨捐田產續乏嗣之享祀給衣食周無依之孤苦人稱世德云

范景燾字履中識高才瞻慎取予重然諾能以信義服人宅心仁厚待人以寬遇宗黨有困乏者周之惟恐不逮凡敬宗收族之事克捐金而不惜所謂惇厚崇禮者也

沈煥新字電昭太常寺卿漢七世孫爲人淳厚耕讀承先無故不入城市鄉里敦敬之子培源字海容幼好學工詩文屢試輒躋復以積勞成怯早卒族人以喬梓品行端方不忍沒庚午歲公請入本邑太常寺祠

陪祀

本吳鳴鏞撰傳

王銓字然明號澹園少補諸生性和厚有幹濟才勇於任事倡修飲馬得春諸橋而役之最大者如渡船橋

同里志

卷十二

仁壽

十

并東西石塘數十丈首捐金以倡率里人自興工以迄竣事親視不少怠至於建宗祠修宗譜捐貲置公產可垂於後世者不少卒年八十一子宏業字恒發諸生曾培字冀馴諸生工制藝爲世典型嘉惠及門者指不屈勝曾孝字鳴揚國學生承愷載科本王譜傳

袁學洙字薪傳候銓州同知家業素封乾隆六年邑令陳奠纒率建同里社倉學洙出貲捐粟爲社長卒年

八十四

本同里志彙

姚世法字永言稟性真純敦行慈讓處事不與人爭常以古道照人齒德並尊鄉閭欽爲模楷壽臻大耄與德配顧氏相莊偕老四次榮邀 恩錫卒年八十有

九曾孫墀童年力學早工制藝四試場屋不售年甫

弱冠遽患沉疴賫志以卒人爲之扼腕

參任兆麟吳江續志稟任

鳳綸撰姚生傳畧

顧我柏字德貞曾祖世美字西苓祖佑禔字介福本生

父啓漆字原岳嗣父啓沚字兼采年竝踰八旬享壽

考以終我柏性誠樸行端方言笑不苟待人必以忱

悃承先令德勤儉治生始終無怠嘉慶紀元 恩賜

九品冠帶壽八十二而卒

本顧朝謨撰傳

凌學灝字紹淳太學生性孝友自少卽善詩文與其內

兄張棟齊名試輒冠曹後棄舉業幕遊隣省大僚爭

相延致晚年家居以孝弟忠信爲教舉止端方爲里

同里志 卷十二 仁壽

十一

中矜式年逾八旬而卒子樹勳字策名少穎異從里

中周脊任思謙游詩文爲儕輩所推旋嬰異疾遂棄

舉業嘗爲塾師遇有不足者輒以已所入貲賙人至

不能自給人咸義之孫汝騏字軼凡資賦英敏力學

工詩文善歐顏書能承其家學惜乎早世士林有童

烏之歎云

本任兆麟吳江續志稟

顧傳師字持恒附貢生自幼力學工文及門多知名士

後得弱疾傳程詢導引術通岐黃就醫者衆甚性孝

友與弟製錦同居事親白首無間族姪我鈞早卒托

管家業迨遺孤後藝長卽歸其業無缺又助親族中

之貧不能塋者無疾而卒年八十有六

本顧汝敬志稟

陳天掞字浩如少有才識雍正甲寅時年十八廩糠圩
失火汲水無路延災連絡遂將一坵內地捐建水埭
義取既濟戚屬不能婚嫁者躬任之未葬者置移定
畢籍字等圩葬之人有紛爭無不排解橋廟傾圮力
爲建修凡嘉惠於人者不少未嘗有德色卒年七十
有四里人誦其德不衰

本徐鼎
亨撰傳

任球字夔鳴少治舉業從吳濂游既入太學不慕仕進
好尋佳山水凡江浙名勝之區靡不遍歷卽紀以詩
年八十四無疾而卒著有夔鳴文彙紀遊山水錄孫

謨字廷采邑諸生積學早世

本任兆麟吳江
續志彙下同

任琳字昆美太學生慷慨尚義乾隆三十八年鎮之西

同里志

卷十三

仁壽

十二

北捐建渡船亭四十四年捐建鎮北流虹橋行人賴
之子祖望字興鎬太學生亦尚義疎財九里村永寧
橋歲久傾圮將出貲重建而有志未成嘉慶十六年
子振業興工重建

朱光震字景揚太學生有幹濟才勇於任事里中橋廟
建修多出其手而役之最大者翊靈神院城隍殿及
兩廡樓房門垣募貲鼎新往來親視寒暑不少懈年
踰八旬卒

任思敬字秉義少攻舉業入太學年踰八旬嗣續繁昌
五代同堂嘉慶十一年巡撫汪志伊藩司張師誠具
題給昇平人瑞額 旌之卒年八十六子鳳綸字國

華邑諸生有文名屢入秋闈薦而不售邁厲疾卒著
有丹峯制義

顧懷慈字岷瞻太學生練達時務勇於事功嘗捐以
擴土地堂基址其治家接物一循法度宗黨以爲矜
式